

"Hud Ma Ticht"

Written and Composed by: Christy Scott

Verse Melody:

The musical score is written in 3/4 time. The verse melody consists of six lines of music. The lyrics are: "She's bon - nie, an couth-ie, she's guid like her mi - ther. She'll hair - vest the musc-les, in aa kines o wi - ther. An she dis - na git foon-ert, nor dis she cyaav. I wid-na___ man age___ wi oot her a - ta. "Oh hud ma ticht, as ye wade in, a - been yer shood - ers sae strang, oh keep mah feet a - been the wa - ter ye'll be hame a - fore___ lang." The chords are: C, Dm, G, F, C, Dm, F, G, C, Am, C, F, G, C, F, Am, F, C.

She's quick at the linies,
They're niver a strushle,
She packs aa the fishies,
Fan we tak hame a muckle,
An nae maitter fit time, she's risen that morn,
She's niver crabbit, she's niver a moan.

CHORUS

She's a thrawn heidit quiney,
An naebdy can stop her,
She'll sell aa yer fishies,
An be hame for supper,
An she'll waak roon the toonies for oors on end,
An nae shy awa fan there's linies tae mend.

CHORUS

Fan the hoose is a sotter,
She'll ging till its tidy,
The bairns are aye riggit,
We've twa loons an quinies,
An fan she's a stramash, an there's a bourach about,
She's aye got ma sea claithes ready fir gan oot.

CHORUS

Ah'm sometimes ill-trickit,
An sometimes I'm coorse,
The fishin's a hard life,
An nae fish gies me fear,
But I hope thit she kains, fir her, I'd gie ma life,
Cause it canna be easy, bein a fisherman's wife.

CHORUS x2